

續安邱新志卷二十三

僑寓傳 補遺

張邵字才彥烏江人宋宣和三年登上舍第為衢州刑曹建炎三年金人南侵詔以邵直龍圖閣假禮部尚書使金至濰州見達賚命邵拜邵曰監軍與邵為南北朝從臣無相拜禮且言兵不在強弱在曲直天未厭宋而金乃裂地以封劉豫窮兵不已曲有在矣達賚怒送邵密州囚於祚山砦按御批通鑑輯覽注祚山方東北金人置砦於此踰年送劉豫使用之邵見豫長揖責以君臣大義豫怒械於獄久之復送於金拘之燕山僧寺十三年和議成邵乃南歸授秘閣修撰十九年以敷文閣待制知池州卒累贈少師邵負氣

傳

續安邱新志卷二十三

一

慷慨以功名自許出使囚徙屢瀕於死終不屈迄今登祚山者追懷忠節尚為之流連不置

高鳳翰字西園雍正五年以生員舉孝友端方任歙縣丞工詩古文詞善書畫嗜硯所蓄甚富大半手自鑄銘罷官後頻遊安邱多寓東郭曹氏之碎墨齋與諸名流結詩社提倡風雅嘗卧病齋內兼旬始起有詩云桐花簾底行歌影碎墨窗中煮藥聲一時傳誦南阜草堂者曹氏別業也鳳翰愛其閒曠因仿黃州東坡例自號南阜老人云

